

Fu posto, per li diti, suspender il debito ha con la Signoria sier Alvise Nani qu. sier Constantin, per aver pagato ducati 1000 come piezo dil Banco di Garzoni, che siali suspeso per do anni. Fu presa: 154, 18.

Fu poi leto una gratia dimanda maestro Ambrosio di Nola dottor, medico, qual, havendo Lion so' 366 fiol fato una opera contra Averois, et ave poterla far stampar; poi essendo stà tajate tute le gratie, richiede niun possi far stampar dita sua opera per anni 10, *ut in gratia*; e cussi li Consieri messeno di conciederli. Ave 15 di no, 141 di si.

Fu posto, per li Savii, che a la mojer di uno Brunoro di Bonaldo brexan, qual per voler dar una porta di Brexa a la Signoria fu squartato a Brexa, siali dà a una soa fiola a la camera di Brexa, per suo maridar, ducati 50 poi la sarà transduta, et per il viver di la madre e fiola ducati tre per paga a la dita camera, con li qual possi viver. Fu presa, e fu pochi provision. Ave 6 di no, 167 di si.

Fu posto, per sier Bernardo Duodo e sier Lion Viaro, Cai di XL, era absente sier Marin Falier suo colega, una parte molto longa, che *de cætero* si scrivi sui lochi publici *distincte*, et altre provision, *ut in parte*, da esser observade si in questa terra come in le camere nostre; et dita parte se l' habbi a meter a Gran Consejo; la copia sarà posta qui avanti. Fu presa. Ave 152, 23, 2.

Fu, senza meter altra parte, fato eletion di V Savii ai ordeni. Erano X Savii ai ordeni si fevano tuor, et uno solo di fuora via; et li nominati fono questi:

Electi V Savii ai Ordeni.

† Sier Piero Morexini, el XL criminal, qu. sier Lorenzo	135. 59
Sier Nicolò Querini, el XL criminal, di sier Carlo	112. 84
Sier Marco Manolesso, el XL criminal, qu. sier Marco	118. 80
Sier Fantin Zorzi, fo savio ai ordeni, di sier Nicolò, da San Moisè . . .	118. 77
† Sier Alexandro Bon, el XL criminal, qu. sier Scipion	129. 67
† Sier Alexandro Michiel, fo Cao di XL, qu. sier Piero	124. 79
† Sier Giacomo Simitecolo, fo Cao di XL, qu. sier Alexandro	149. 45
Sier Piero Orio, el XL criminal, di sier Bernardin el cavalier	116. 82

† Sier Andrea Grioni, el XL criminal, qu. sier Marco	125. 72
Sier Francesco Bolani, fo Cao di XL, qu. sier Domenego	123. 70
Sier Antonio di Garzoni, el XL criminal, di sier Hironimo, qu. sier Marin procurator	121. 79
Sier Ferigo di Prioli qu. sier Zuan Francesco, per la età	

Fu poi posto, per li Savii dil Consejo e terra ferma, elezer, il primo Pregadi, uno orator al Sere-
nissimo re d' Ingaltera in luogo di sier Sebastian Justinian el cavalier, è stato assai, et habbi ducati 120 al mese, meni con si cavali 11 e do stafieri computà il secretario col suo famejo, e parti quando e con la comission li sarà data per questo Consejo. A l' incontro, sier Bernardo Donado Cao di XL, sier Silvestro Memo, sier Alvise Michiel et sier Piero Lando savii ai Ordeni, messeno de indusiar tal eletion. Parloe dito sier Bernardo Donado, dicendo non è di far questa eletion: havemo il Justinian ne serve ben, poi si darà suspeto al Christianissimo re per queste lige fate, come si ha inteso etc. Andò a risponderli sier Piero Orio, el XL, dicendo se dia far etc., et è stà 33 mexi, li basta; si vol partieipar con tutti; *ta-* 366
men parloe perchè fusse fatto, perchè suo cuxin, sier Lorenzo Orio dottor, l'avogador, procurava a le scale, con gran furia, di esser fato. Poi parloe sier Silvestro Memo per la indusia, et parse a li Savii non mandar la parte; et fo licentiatto il Consejo.

A dì 12. La matina, il Principe non fu in Colegio. Gionse le letere di Candia et Cypro per la fusta si aspetava con desiderio.

Di Famagosta, di sier Vincenzo Capello capitano, di 27 Zugno. Come è nova de li, per uno venuto di Alexandria, come el Consolo nostro era montato al Cajero per far licentiar la galia e altri assa' navilli nostri retenuti de li, et manda le deposition di quel . . . , qual si ha 'uta per avanti. E dice tornato il Signor turco di Alexandria al Cayro, dove stete 3 zorni, havia expedito uno suo degnissimo orator li in Cypro, il qual era con 4 fuste in ordine a la bocha di Damiata per venir di qui; et per ogni via havendo dito Signor turco non voler far alcuna deliberation di la sua armata, è in porto di Alexandria, fino non ritorni il dito orator suo; per il che lui Capitano à scritto, per più sue, al rezimento di Nicosia vengi de li a Famagosta per ogni bon respeto. Il qual *tandem* li hanno risposto voler venir, e *ultimate* li ha scritto con istanzia vengino, et ha scritto